

???

???

???

*Blattl-Fotos: R. Tittel, P. Müller, Internet freie clips, EHV- Archiv*

### **FAHRDIENST für Mai**

*Wer am 03.05.18 zum Museum und Vereinshaus  
gefahren werden will, der möchte bitte anrufen:*

*, Tel.:*

*Sollte der Fahrdiensthabende nicht gleich erreichbar sein,  
dann bitte öfter anrufen – ruhig auch schon ein oder zwei Tage vorher !!!*




Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141

Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
158

Mitteilungsblatt des  
Erzgebirgischen Heimatvereines  
Eibenstock e.V.

Mai  
2018



*Friehlingsdrwahn an unnern Bielbarg*

## **Eikaafsdrlabnis aus DDR-Zeitn – drzählt vu dr Antina un eweng in unnere Muttersproch imgewannelt vun Schmidt**

Tja heitzetog is des Eikaafn kaa setts Problem: de Supermärktle vun Penny, Norma un Simmel ham vun frieh üm Sieme bis obnds üm Sieme oder aa Achte, außewärts sugar bis üm Zahne in dr Nacht auf un aa noch ieber ne auf un aa noch ieber ne mittog wag! Un allis gibt´s in Hüll un Füll! Un Trozdam is mr mannichsmol noch uzefriedn, weils immer wieder des Gleiche gibt, also nicht Besonnensch, es sei dä, de aagepriesne billign Sonneraagebote lockn de Weibsn raus.

Ze DDR-Zeitn war des schu ganz eweng annersch, do war mr oft fruh, wenn mr des noch orgattern kunnt, wos mr siech fors Wochnend eigebild hat. Do gobs ne Eikaafs-geschicht in unnerer Familie, ieber die mir heit noch lachn, die will iech eich mol drzähl'n:

Iech war ja aa emol klaans Maadl. Un als iech su ugefahr elfe oder zwölfe war, bi iech in de domolche Eikaafsstrategie eigelehrt wur'n. Do hieß is freitichs, nooch dr Schul su halb zwee rim, gelei eham, schnell ass nun halb dreie gings lus. De Mutti s zen Flaascher un iech mußst miech drweil bein Bäck aastelln. De Läd'n ham zwar erscht im dreie aufgemacht, aber je eher mr do war, desto besser kunnt mr emende wos drgattern.

Bein Bäck wars net ganz esu schlimm, do ham de meestn när Brot un Sammln geakaft. Un weil iech do schneller dra war, hab iech de Brot gelei eham geschafft, is war ja net weit. Dann gings zen Flaascher im dr Mam epperemende bein Trogn ze halfn. Mir hattn ja wie de meestn dozemol ka Auto un mußtn allis ze Fuß gieh un des Eigekaafte ehamschleifn. Zen Gklick saß mei Mutter an nr gutn Quell un mir hattn jede Menge Dederonbeitln, in alle Größ, Farb'n un Ausfiehrunge.

Wu iech do im de Eck zen Flaascher gebugn bi, hob iech schu vun Weitn die Riesnschlang vor dr Lodntür gesaah un dacht gelei, do gieht dar schiene Nochmittich drauf. Aber mei Mutter war drwagn schu drinne im Lodn, aber esu 7 oder 8 Leit warn noch vür uns. Bei den Flaascher gabs ja aa ne besonnere Verkaafsordnung, net wie heit, des do 3 bis 4 Vorkäferinne bediene un in Kundn komplett allis gabn, vu dr Wurscht bis zen Flaasch. Na, do warn de Vorkäfer eigetaalt in Bereiche: dr Flaascher machts Flaasch, sei Fraa de gute

## **Wir gratulieren unseren Heimatfreunden**

<i>Viola Taube</i>	<i>am 08.05.</i>	<i>zum 62. Geburtstag</i>
<i>Ute Wüst</i>	<i>am 10.05.</i>	<i>zum 59. Geburtstag</i>
<i>Bianca Brenner</i>	<i>am 16.05.</i>	<i>zum 69. Geburtstag</i>
<i>Heinz Brückner</i>	<i>am 17.05.</i>	<i>zum 84. Geburtstag</i>
<i>Renate Baumgart</i>	<i>am 26.05.</i>	<i>zum 85. Geburtstag</i>
<i>Hannelore Hagert</i>	<i>am 26.05.</i>	<i>zum 88. Geburtstag</i>
<i>Brigitte Tittel</i>	<i>am 27.05.</i>	<i>zum 69. Geburtstag</i>
<i>Annerose Pechstein</i>	<i>am 31.05.</i>	<i>zum 77. Geburtstag</i>



*Im Glück erfährst du nicht,  
wer´s ehrlich mit dir meint,  
nur wer im Unglück zu dir hält,  
der ist dein wahrer Freund.  
(Verfasser unbekannt)*



*Am Donnerstag,  
03. Mai 2018:*

*Mir traffn uns um halb  
Sechse im Museum,  
un genne dann neins  
Vereinshaus  
zum Obndbrot un latschn*



*Unner Ausfahrt mit ne ALEX  
an Sunnobnd,  
ne zweetn. Juni 2018,  
gieht nooch Thüringe,*

*De Abfahrt werd noch rachtzeitich  
im nächstn Blattl mitgetaalt!*

*Vu alle Mütter of dare Walt  
is kaane, die mir su gefällt  
wie mei Mutter, wenn se lacht,  
miech aasieht oder gar nicht macht.*

*Aa wenn se ausn Fanster winkt,  
mit mir spielt, un mit mir singt  
un nachts bei mir do sitzt,  
wenn ´s draußn wattert, donnert, blitzt*

*Un wenn se siech mit mir vorsöhnt  
un wenn iech krank bi, miech vorwehnt -  
ja wos se ieberhaupt aa tut,  
iech mog se immer, bi ihr gut.*

*Un hin un wieder wunnert ´s miech,  
des mir uns fanden - sie un iech.*

*von Rosemarie Neie  
haamitlich iebersetzt vun Schmidti*

### **Unnere Arzgebirger sei in aller Walt fei gefroochte Leit...**

**Eine Schweizer Firma hat den dünnsten Draht der Welt entwickelt,  
kann ihn aber nicht vermessen. Deswegen geben sie ihn zu den  
Franzosen, aber die schicken ihn zurück, weil sie diesen  
Draht ebenfalls nicht messen können. Danach versucht die  
Schweizer Firma ihr Glück bei den Engländern, den Schweden  
und in den USA, doch jedesmal vergebens.**

**Zu guter Letzt versuchen sie ihr Glück bei einer Firma im  
Erzgebirge. Als Antwort kommt ein Zettel, auf dem steht:  
„Dr Droht is 0,00000164 Millemeder dick.  
Aber wos sölln mr dodrmit machen?  
Gewinde drauf schneidn oder e Loch durch bohren?“**

Wurscht un des annere Agestellte nár Wurscht un Klaakram wie zen Beispiel Spackfett. Do musste halt de Reih rim mitmachn un diech abn in Geduld iebn! Mei Mutter war schu ebissl dorreecht un hat mir drklärt, des se an Sunnobnd Gewiechtskliessln machen wöllt un hat dauernd zwischn de Leit durchgeguckt, öb do aa noch genuch drvu do wär un gehofft, des des bis mir dra sei, net alle werd. Is sah gar net schlacht aus, se hat allis im Visier.

Nár noch zwee Fraun vür uns uni s war noch reichlich do. Aber noocherts... Bei de Wurschtvorkäiferin vorlangt doch of aamol ne Kundin Rindsgewiechts. De Leit im Lodn warn gelei aufgebracht u saatn, des gibt´s net. Bein Flaasch ze dem des Gehackte ja geheert, muss mr siech an dr annern Schlang aastelln. Die eweng vürnahme Fraa hat aber trotzdam ihr

Zeich kricht. Su, un nu warde vorletzte Fraa dra un vorlangt doch gelei 3 große Portsjone un dordrmit dar klaane Rast, dar noch auf den Tabelett net ieblich blebt, will se den aa noch ham! Do gings aber lus in den Lodn! Die Fraa vür uns tat lauthals schreie, mr kaa doch net aaner Kundin allis gab nun de annern in dr Schlang kriegn nicht! Hinner uns maant aane, mr müßt des wie bei de Banane machen – Zutaaling nooch dr Familienpersonezohl oder esu ähnlich! Die Fraa, die allis kricht hat, wolltsiech rechtfertig nun saat, des nár aane Portsjon for se salber wär, de annern for de Nachbarsleit, weil die net salber kumme kenne, weil se bis um Viere arbitn müßt. Im Nu war dr schennste Streit in Gang. Do bläkt dr Flaascher in de wietnde Menge, ar hätt noch eweng Flaasch draußen un tät des zen frischn Gehackts gelei noch durchlessn. Nooch ugefah 10 Minutnkam ar aa wirklich mit nern grußn Tablett ausn Kiehhaus wieder rei un de Ruh in Loden war wieder eigekehrt, is vorkaafn ging wetter un aa mei Mam kam endlich an dr Reih. De Flaaschersfraa hatt de aanzln Packle iebn Lodntisch geschubn un mei Mam hat se in ihrn Dederonbeitl neisortiert un bezohlt. Mir ham uns imgedreht un wollten schu zr Tür naus, do ruft de Flaascherfraa: „Halt Moment, iech habs Gewiechte vorgassn eizepackn, des wollten se doch hobn! Also aa noch nein Beitel unwieder zr Tür. Dort dreht se siech ze de Leit im un saat statt „Auf Wiedersehn!“ „Gehackts!“ Do ging e Glachter lus, kaa iech eich sogn, iech hob miech geschaamt un wär an libstn im Ardbudn vorsunkn. Nár racht schnell naus dohiertn un eham! Erscht wur mir des ganze an Obnd mein Pap drzählt ham, kuntn mir aa do drierer lachn!

Bis zr nächsten Geschicht,  
Eire Antina un r Schmidti

## Vürstandswahl un Ieberraschungsgast gieht dü des?



Ganz aafach geantwort: bei uns gieht fast alles! Zeersch halt eweng treich un noocherts gibt's aa feichte Aagn. Fast ganz pinktlich, su zwee Minutn nooch Sechse, ham mir unnere Vürstandswahl endlich ieber deRundn gebracht. Laut Voreinsvürschriften muss des nu mol sei. Unner Freddy hat die ganze Sach in seine Händ genumme un des richtich professionell drledicht. Ims kurz ze machen: is gab kaane neien

Vürschläch, dr alte Vürstand is aa dr neie. När bei dr Revisjon- also dr Galdzählerei aamol in Gahr - gabs ne Ännering. Do hat siech dr Freddy gelei salberscht vürgeschlogn un is aa wie alle annern eistim-mich aagenumme wurn. Su weit dr offizjelle Taal vun Aprilhutznobnd.



Gelei noochn Assn bi iech 2 mol naus vor de Tür un hob Ausschau nooch unnerm Ieber-raschungsgast gehaltn, auf den halt alle gewart ham. Bein dritt'n Alaaf kam iech zr Tür naus un dr Peter Silie saß direkt drvür in sein Auto un tat telefoniern. Iech saat zu


ne: „Nu warim kimmst de dä net rei, mir wartn schu ne gute Viertelstund auf diech?“ „Iech bi grad an Telefoniern, öb iech hier richtich bi, weil die Tür zu war, iech hob immer



naa gedrickt, aber die ging net auf!“ „Hättst de mol de Tür nooch auß'n gezugn, hättste gemerkt, des se net zugeschlossn is! Itze mahr net su lang un komm endlich rauf ze uns!“

Noochdam ar siech kurz imgezugn hat, ging de Tür auf un e Koch kam rei ze uns un tat siech vürstell'n: Peter Silie. Un glei ging des lus, aa Witz nooch in annern, su des mr gar net ausn Lachn rauskumme sei. Manniche Witzelein warn aa ganz schie weit untn aagesiedlt, aber in dr Summe hat des glaab iech kenn vu uns gestärt. De Lachmuskl'n sei genuch strapaziert wurn un ham aa viel nasse Aagn drzeucht. Auf jedn Fall wars ne sehr lustiche Stund, die uns dr Superkoch samt sein grußn Löffl un seiner Grillzang dargebutn hat. Zen Schluss hat ar siech wieder

imgezugn – in dr Klaaderkammer vorne im Gang, wus allis imesist gibt. Do hob iech ne aber drmaahnt, desser ja blus sei Zeich eipackt un nicht annersch mitnimmt!



Eingtlich hatt iech ja in ganz annern Ieberraschungsgast im Wisier, wie mr esu socht. Zeersch wollt iech noch emol mein Freind Peter Reehr aus Scheimbarg ra hult - des is dar mit dr Gitarr un arzgebirgschn Liedle mit neie lustiche Texter – aber dar musst grad ne Krankhaat auskuriern un dr annere lustiche Musikant hat Usterferien gehatt. Su is de Petersilie aus Burgstädt kurz hinner Karl-Marx-Chamtz kurzerhand emol eigesprunge un des war sicherlich aanet ganz vorkehrt!

Eier Schmidti